



## CHÈ PARAN OSWA MOUN K AP PRAN SWEN YON TIMOUN.

Èske ou te konnen gen plis pase 300 000 timoun ki nan laj pou yo ale lekòl ki vin viktim yon kalite esplwatasyon yo rele trafik moun chak ane? Trafik moun se sitiyaasyon kote yo rekrite, yo kache oswa yo transpòte yon moun kont volonte l pou moun sa a bay sèvis e pou yon lòt moun jwenn yon avantaj ekonomik nan sa. Byenke ou gendwa panse trafik moun se yon danje pou timoun nan lòt peyi sèlman, pwoblèm sa a se yon reyalye nan toule 50 eta yo. Nenpòt timoun ka vin yon viktim, kèlksa kote l rete a, nivo sosyo-ekonomik li, ras li oswa relijyon li.

An jeneral, timoun yo vilnerab e trafikan yo maton nan sible timoun sa yo an pèsonn oswa sou Entènèt. Sepoutèt sa gen lekòl nan tout peyi a ki deside mete kou prevansyon trafik moun ki adapte ak nivo devlopman timoun yo nan pwogram etid yo pou sekirite pèsònèl elèv yo. Trafikan moun yo sèvi ak manipilasyon sikolojik pou rive kontwole timoun yo e pou kenbe yo sou kontwòl annapre. Pou rive fè sa, yo idantifye nan ki domèn timoun nan vilnerab e yo travay pou konble kèlkeswa bezwen li genyen an. Se gendwa bezwen timoun nan genyen pou l santi yo aksepte l e pou l fè pati yon gwoup, bezwen yon bagay materyèl oswa yon nesesite debaz, tankou pwoteksyon, manje oswa yon kote pou rete.

Pou ede pitit ou evite esplwatasyon pou l pa tonbe nan pyèj trafikan yo itilize yo, nou te ajoute enfòmasyon nan sa y ap aprann nan domèn sekirite nan chak leson ki nan pwogram etid Safer, Smarter Kids pou klas matènèl la. Konsa, pwogram sa a ap anseye yon seri de prensip pou pwoteje yo an rapò ak prevansyon trafik. Mete sou sa, nou kontinye fè efò pou prezante enfòmasyon sa yo yon fason ki adapte ak laj pitit ou ki nan klas matènèl.

Pwofesè yo pral anseye chak leson debaz nan pwogram Safer, Smarter Kids pou klas matènèl la, epi apre sa yo pral anseye leson ki rele Crosswalk to Human Trafficking. Men kèk nan bagay elèv yo ap aprann nan leson sa yo:

- Konprann sa k fè yon sitiyaasyon gen danje oswa pa gen danje
- Karakteristik adilt ki pa yon danje pou yo
- Sèvi ak teknik Think Feel Act ak Guiding Voice yo pou pran bonjan desizyon
- Sekirite pèsònèl
- Sekirite fizik
- Idantifye sekrè ki danjere yo
- Fason pou jwenn èd

Kontinye kominike yon fason ki ouvè ak pitit ou. Ranfòse epi ede pitit ou pratike zouti sekirite l ap aprann yo. Konsa l ap ka aplike bagay enpòtan li aprann yo lakay ou. Si w gen lòt kesyon sou sa ki nan leson sa yo, ou mèt kontakte pwofesè pitit ou a.

Mèsi,

Lauren Book, M.S.Ed.

Fondatris/Direktris jeneral, Lauren's Kids

